

Հավելված N 4

ՀՀ պետական եկամուտների կոմիտեի նախագահի

«05» հունիսի 2023թ. N560-L հրամանի

(05100040) / (13092023) / (609)

(Փաստաթղթի համարը)

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

«13» սեպտեմբերի 2023 թ.
(ամսաթիվը)

Սիսիան-Երևան մայրուղու 7-րդ կմ
(կազմման վայրը)

Ես՝ ՀՀ պետական եկամուտների կոմիտեի
Հարավային մաքսատուն-վարչության
(ստորաբաժանման անվանումը)

ղեկավար Արտաշես Ղամբարյանս, քննելով՝ Իրանի Իսլամական Հանրապետության
քաղաքացի Միրեբրահիմ Ալամդարիի (անձնագիր՝ A63267667, հասցե՝ ԻԻՀ, ք.Խոյ)

(քննվող անձի անվանումը, կազմակերպարարական տեսակը, ՀՎՀՀ, պետական գրանցման/ընթացության հասցեն, փաստացի գործունեության
հասցեն / քննվող անձի անունը, ազգանունը, անձը հաստատող փաստաթղթի տվյալները)

նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

2023 թվականի հուլիսի 13-ին ԻԻՀ քաղաքացի Միրեբրահիմ Ալամդարիին իր
կողմից շահագործվող 35AA221/222 պետհամարանիշի բեռնատարով ԻԻՀ-ից մուտք
է գործել ՀՀ ՊԵԿ ՀՄՎ Մեղրիի մաքսային կետ-բաժին:

ՀՄՎ Մեղրիի մաքսային կետ-բաժնի աշխատակցի՝ հայտարարագրման
ենթակա ապրանքներ ունենալու մասին բանավոր հարցմանն ի պատասխան ԻԻՀ

քաղաքացի Միրեբրահիմ Ալամդարիին պատասխանել է՝ ոչ, սակայն բեռնատարի զննության արդյունքում հայտնաբերվել է չհայտարարագրված 7 բլոկ «WISDOM» տեսակի ծխախոտ և 8 հատ «SPEEDY» տեսակի շարժիչի յուղեր:

Փաստի առթիվ ՀՀ ՊԵԿ ՀՄՎ Մեղրիի մաքսային կետ-բաժնի 1-ին բաժանմունքի մաքսային տեսուչի կողմից ԻԻՀ քաղաքացի Միրեբրահիմ Ալամդարիի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է վարչական վարույթ, այն է՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը»:

«Մաքսային կարգավորման մասին» ՀՀ օրենքի 301-րդ հոդվածի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

«Մաքսային կարգավորման մասին» ՀՀ օրենքի 316-րդ հոդվածի 3-րդ մասի համաձայն՝ «Սույն հոդվածի 1-ին մասով սահմանված արարքը, որի հետևանքով առաջանում է մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների իրականացման համար գանձվող պետական տուրքի), տուրքերի չհաշվարկում (պակաս հաշվարկում) կամ չվճարում (պակաս վճարում)՝ հանցագործության հատկանիշների բացակայության դեպքում՝ առաջացնում է տուգանք՝ չհաշվարկված (պակաս հաշվարկված) կամ չվճարված (պակաս վճարված) մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների

կողմից մաքսային գործառնությունների կատարման համար գանձվող պետական տուրքի) **ընդհանուր գումարի քսան տոկոսի չափով, բայց ոչ պակաս, քան երեսուն հազար դրամի չափով**»:

Վարչական վարույթի շրջանակներում չհայտարարագրված ապրանքների շուկայական արժեքները պարզելու նպատակով 20.07.2023 թվականին նշանակվել է ապրանքագիտական փորձաքննություն, որի կատարումը, հիմք ընդունելով ՀՀ ՊԵԿ-ի և ՀՀ ԳԱԱ «Փորձաքննությունների ազգային բյուրո» ՊՈԱԿ-ի միջև առկա պայմանագիրը, հանձնարարվել է ՀՀ ԳԱԱ «Փորձաքննությունների ազգային բյուրո» ՊՈԱԿ-ին:

Փորձագետի թիվ 23-0158Պ եզրակացության համաձայն՝ 13.07.2023 թվականի դրությամբ՝ 7 բլոկ «WISDOM» տեսակի ծխախոտի շուկայական արժեքը կկազմի 21700 ՀՀ դրամ և 8 հատ «SPEEDY» տեսակի շարժիչի յուղեր շուկայական արժեքը կկազմի 56000 ՀՀ դրամ:

Հիմք ընդունելով փորձագետի եզրակացությունը՝ վարչական վարույթի շրջանակներում ԻԻՀ քաղաքացի Միրեբրահիմ Ալամդարիի կողմից չհայտարարագրված ապրանքների մաքսային արժեքները, վճարման ենթակա մաքսային վճարների չափերը և ոչ սակագնային կարգավորման միջոցների կիրառելիությունը պարզելու նպատակով՝ թիվ 822 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը:

ՀՀ ՊԵԿ Հարավային մաքսատուն-վարչության մաքսային գործառնությունների բաժնի թիվ 844 մտից համարի տեղեկանքի համաձայն՝ 2023թ հուլիսի 13-ի դրությամբ քաղաքացի Միրեբրահիմ Ալամդարիի կողմից ՀՀ ներմուծված և չհայտարարագրված ապրանքների ընդհանուր մաքսային վճարները կկազմեր **60950 ՀՀ դրամ** և վերոնշյալ ապրանքների նկատմամբ ոչ սակագնային կարգավորման միջոցները կիրառելի չեն:

(Եվրասիական տնտեսական միության մաքսային օրենսդրության և/կամ Հայաստանի Հանրապետության օրենսդրության դրույթների խախտման՝
բացառությամբ փաստերի /հատկանիշերի/ նկարագրի՝ հղում նորմատիվ իրավական ակտի դրույթներին, որոնց պահանջները խախտվել են)

Ի՞հՀ քաղաքացի Միրեբրահիմ Ալամդարիին առձեռն ծանուցագիրը հանձնելու փորձ է արվել, սակայն չի հաջողվել:

Ի՞հՀ քաղաքացի Միրեբրահիմ Ալամդարիի ՀՀ-ի հասցեն պարզելու նպատակով՝ հարցում է կատարվել ՀՀ Ներքին գործերի նախարարության միգրացիայի և քաղաքացիության ծառայությանը, իսկ Ի՞հՀ քաղաքացի Միրեբրահիմ Ալամդարիի անվամբ գրանցված անշարժ գույքի վերաբերյալ տեղեկատվություն ստանալու նպատակով՝ հարցում է կատարվել ՀՀ Կադաստրի կոմիտե: Ի պատասխան հարցման՝ ՀՀ Ներքին գործերի նախարարության միգրացիայի և քաղաքացիության ծառայությունը տրամադրել է տեղեկատվություն առ այն, որ քաղաքացի Միրեբրահիմ Ալամդարիի հաշվառման վայրի վերաբերյալ տվյալներ առկա չէ:

Ի պատասխան հարցման՝ ՀՀ Կադաստրի կոմիտեն տրամադրել է տեղեկատվություն առ այն, որ քաղաքացի Միրեբրահիմ Ալամդարիի անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

Քաղաքացի Միրեբրահիմ Ալամդարիի սահմանահատումների պատմությունը ստանալու նպատակով՝ 13.09.2023 թվականին հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Միրեբրահիմ Ալամդարիին 18.08.2023 թվականին ժամը 02:00-ին Ագարակ պետական սահմանի անցման կետով անցել է Ի՞հՀ:

«Մաքսային կարգավորման մասին» ՀՀ օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական

իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական մարմինը գտնում է, որ ԻԻՀ քաղաքացի Միրեբրահիմ Ալամդարիի արարքում առկա է «Մաքսային կարգավորման մասին» ՀՀ օրենքի 316-րդ հոդվածի 3-րդ մասով նախատեսված մաքսային կանոնների խախտումը:

(սղն հանգամանքների շարադրումը, որոնք բացահայտվել են գործը քննելիս)

Հիմք ընդունելով «Մաքսային կարգավորման մասին» ՀՀ օրենքի 316-րդ հոդվածի 3-րդ մասով, 322-րդ, 332-րդ, 334-րդ հոդվածներով՝

(իրավական ակտի անվանումը, հոդվածը)

Ո Ր Ո Շ Ե Ց Ի

1. ԻԻՀ քաղաքացի Միրեբրահիմ Ալամդարիին «Մաքսային կարգավորման մասին» ՀՀ օրենքի 316-րդ հոդվածի 3-րդ մասով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **30000 ՀՀ դրամ:**

(նշվում է վարչական տույժ նշանակելու մասին կայացված որոշումը)

2. «Մաքսային կարգավորման մասին» ՀՀ օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից: «Մաքսային կարգավորման մասին» ՀՀ օրենքի 334-րդ հոդվածի 4-րդ մասի համաձայն «Վարչական տույժ նշանակելու մասին» մաքսային մարմինների որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով որոշումը ուժի մեջ մտնելու օրվանից՝ երկու ամսվա ընթացքում:

(նշվում է որոշումն ուժի մեջ մտնելու պահը, բողոքարկման ժամկետը և կարգը)

ՀՀ պետական եկամուտների կոմիտեի Հարավային մարսատուն-վարչություն
(ստորաբաժանման անվանումը)

ղեկավար՝ Արտաշես Ղամբարյան
(անուն, ազգանուն)

(ստորագրություն)

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

« _____ »
(որոշման օրինակի ստացման ամսաթիվը)

2023թ.

Ծանոթություն. Սույն որոշմամբ նշանակված փուլով գումարը ենթակա է վճարման Կենտրոնական գանձապետարանի №900005024055 հաշվեհամարին 30 ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կադարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: